

相

山

集

五

四

五

六

七

八

九

詳校官左中允_臣瑋五珠

主事_臣呂雲棟覆勘

膳錄監生臣陳遂

欽定四庫全書

相山集卷十六

宋王之道撰

詩餘

宴桃源

烏江道中二首

黃落聲遲風歇龕火夜寒明滅殘月却多情來照先生
歸轍清絕清絕透隙風霜如雪
遙指湯泉西路隱約碧雲天暮宿烏擇深枝兩兩相呼
如語凝佇凝佇今夜夢魂何處

宴桃源

和張文
伯雪詞

飛雪乍稀還驟高閣下臨羣岫獨立遂移時歸去黃昏
前後知否知否落筆騷人賦就

風急柳花飛驟白盡千林萬岫樵擔晚來歸正在栖鴉
啼後知否知否語到謝娘詩就

宴桃源

和張文
伯海崇

水外浸山桃李那得箇中風味一種最憐渠酒着佳人
半醉還似還似驚起午窻春睡

如夢令

和張文伯芍藥

綽約一枝紅怨
疎雨淡煙池館
梅子欲黃時
日倚朱闌
幾遍爭看
爭看人在沉香亭畔

如夢令

江上對雨

一晌凝情無語
手撚梅花何處
倚竹不勝愁
暗想江頭
歸路東去
東去短艇淡煙疎雨

如夢令

和張文伯木犀

葉底芳蕤如綴
坐對廣庭忘味
嬌靨最憐伊
亂糝舞餘

金定四庫全書
卷十六
風袂貪喜貪喜不覺寶釵斜墜

長相思

美人

桃花春杏花春桃杏妖嬈如箇人
歌聲清過雲 酒醺醺燭熒熒
眼尾微紅無限情相逢堪斷魂

長相思

別恨

雨濛濛日曨曨洗出遠山三四重
分明眉黛濃 野橋西官路東
小驛夜涼風入松夢魂誰與同
花一枝酒一卮舉酒對花君莫辭
人生多別離 行相

隨坐相隨更有何人得似伊
春融蝴蝶飛
天四垂山四圍山色天容入坐帷
清風吹我衣
湖水
東江水西東去西來無盡期
不如君共伊

吳江楓吳江風索索秋聲飛
亂紅曉來歸意濃
淮山
西淮山東明月今宵何處同
相尋魂夢中

風淒淒雨霏霏風雨夜寒人
別離夢回還自疑
蛩聲
悲漏聲遲一點青燈明更微
照人雙淚垂

點絳脣

和朱希真

短棹西來追隨不及桃花宴薰風庭院明月裁紈扇
睡起嬌慵相見雲鬟亂雙魚遠欲憑春喚一見韋娘面

點絳脣

和張文伯

竹外梅花檀心玉頰春初透一池風皺妙語天生就
有箇人人嫋娜靈和柳君知否目成心授何日同攜手

點絳脣

和張文伯
除夜雪詞

透幕穿簾迴風舞態真輕妙不煩相惱江上春來了

一闋清歌唱徹瓊樓曉春工巧柳顰梅笑點綴芳菲早

點絳脣

冬日
江上

古屋垂楊淡煙疎雨江南岸幾家村疇酒旆還相喚

短棹扁舟風橫河頻轉柔腸斷亂鴉晚噪天共蒹葭遠

點絳脣

社日
雨

春意催花片雲又作朝來雨淡勻深注紅紫知無數

社日人家準擬行春去癡兒女倚門凝竚借問東郊路

浣溪沙

和張文
伯長至

寒透珠簾怯曉霜灰飛緹室驗回陽坐看紅日上脩廊

泉瀉龍頭深泛酒煙凝象口暖吹香及時歌舞意何
長

浣溪沙

春日

水外山光淡欲無堤邊草色翠如鋪綠楊風軟鳥相呼
牛蒨葉齊羅翠扇鹿梨花小隘真珠一聲何處叫提

壺

浣溪沙

贈妓

玉骨冰肌軟更香一枝丹棘映青裳相逢歸去未須忙

曲裏春山情不淺
樽前秋水意何長
醺醺顏色粉生光

浣溪沙

和張文伯海棠

過雨花容雜笑啼
淡粧深注半開時
嬌嬈情態自天姿
新浴太真增艷麗
微風飛燕鬪清奇
綠窻朱戶雅相宜

浣溪沙

和張文伯木犀

曉日暉暉玉露光
枝頭一樣鬪宮粧
可憐嬌額半塗黃

衣與醪醕新借色肌同蒼蘂更薰香風流荀令雅相
當

浣溪沙

賦春雪詞追
和東坡韻

陽氣初升土脉蘇東郊人散欲迴車一時春雪十年無
魚枕蕉深浮酒蟻鹿胎冠小桺歌珠題詩不覺燭燃

鬚

體粟湏頻酒力蘇流涎正值麴盈車坐來獸炭撥還無
一闋可能酬一絕雙銀端不換雙珠松毛粉白老翁

鬚

春到衡門病滯蘇力強猶可駕柴車少年狂妄一時無
清坐不堪膚起粟高談還喜唾成珠紅裾癡笑雪如

鬚

凍卧袁安已復蘇閉門那患出無車似渠人物到今無
可笑崑山誇片玉須憐滄海歎遺珠時來應許將君

鬚

浣溪沙

阻風銅陵追和東坡游泗洲南山韻

殘雪籠晴作沍寒北風吹浪過前灘遠山雲氣尚漫漫
睡起陽烏窺破牖坐憐香霧藹雕盤一樽聊佐旅中
歡

採桑子

孫中益集於西齋題侍兒
作第一流因以詞謝之

奇花不比尋常艷獨步南州往事悠悠遼鶴重來憶舊
遊仙翁不改青青眼一醉遲留妙墨銀鈎題作人間
第一流

菩薩蠻

和趙見獨
住人睡起

香鬟倭墮蘭膏膩睡起搔頭紅玉墜秋水不勝情盈盈
橫沁人朱欄頻徙倚笑與花爭媚眉黛索重添春醒
意未收

菩薩蠻

採蓮女

藕絲衫剪猩紅窄衫輕不礙瓊膚白縵鬢小橫波花樓
東是家上湖閒盪槳粉艷芙蓉榜湖水亦多情照粧
天底清

減字木蘭花

和孔純老送鄭深道移守嚴州